

寧武府志卷十一

餘錄

十六國春秋劉曜初隱管涔山閒居夜有二童子入跪曰管涔王使小臣奉謁趙皇帝獻劔一置前再拜而去以燭視之劔長三尺光澤非常赤玉爲室背上
有銘曰神劔御除衆毒曜遂服之劔隨四時而變爲
五色

大業拾遺記二年七月勅於汾陽西北四十里臨汾水起汾陽宮卽管涔山河源所出之處也當盛暑月

寧武府志

卷十一

餘錄

一

臨河盥漱卽涼風凜然如八九月十年四月幸汾陽宮避暑宮城迫隘百官士卒布散山谷上有名山管涔高可千仞上千青霄造亭子十二所其最上名翠微亭次閭風彩霞臨月飛芳積翠合璧含輝凝碧紫巖澄景最下名尚陽亭亭內皆縱廣二丈四邊安劔欄每亭繡方尺榻子一合上下皆有臨汾殿敕從官縱觀史稱四年起汾陽宮拾遺以爲二年史稱十一年避暑拾遺以爲十年唐書高祖武德元年七月庚中廢隋離宮

劉武周瀛州景城人父匡徙馬邑武周驍悍善騎射募征遼有功還馬邑爲鷹揚府校尉太守王仁恭之置麾下見天下已亂陰有異計與其黨張萬歲斬仁恭開倉賑窮乏得兵萬餘自稱太守附突厥雁門丞陳孝意虎賁郎將王智辨合兵圍其桑乾鎮突厥與武周共擊智辨破之孝意奔還雁門雁門人殺之以城歸武周武周因襲破樓煩據汾陽宮取宮人以賂突厥突厥以狼頭纛立武周爲定揚可汗宋史張齊賢傳雍熙三年代州揚業戰沒上訪近臣

以策齊賢請行卽授給事中知代州與部都署潘美同領緣邊兵馬是時遼兵自湖谷入寇薄城下神衛都校馬正以所部列南門下衆寡不敵副部署盧漢贊畏懦保壁自固齊賢選相軍二千出正之右誓衆慷慨一以當百遼兵遂却先是約潘美以并師來會戰無何間使爲遼人所得齊賢以師期旣漏且虞美爲遼所乘旣而美使至云師出并州至北井得密東師敗績于君子館并之全軍不許出戰已還州於時遼兵塞川齊賢曰賊知美之來而不知其退

乃其使塞中夜發兵二百人持一負一東距州城西南三十里列幟然芻遼兵遠見火光中有旗幟意謂并師至矣駭而北走齊賢先伏步兵二千於土陞砦掩大敗之擒其北大王之子一人帳前舍利一人斬數百級獲馬二千甲甚衆

張齊賢傳云自河東初下臣知忻州得契丹納米典吏皆云自山後轉般以授河東以臣料契丹能自備軍食則於太原非不力爲我有者力不足也河東初平人心未忻代未有砦入寇則

寧武府志

卷十一

餘錄

三

田牧頓失則守可及國家守要害增壁壘左控右扼疆事甚恩已行民心已定乃於雁門陽武峪來爭小利此其智力可料而知也雍熙三年大舉北伐卽以齊賢知代州與部潘同領緣邊兵馬

眞宗景德二年河東轉運使歐陽修言代州岢嵐寧化火山軍地統二萬頃請兵種充弓箭手墾之宣撫使范仲淹以爲便遂以岢嵐軍北草城川地募人距敵界十里外占耕得二千餘戶歲輸租

數萬斛自備弓馬涅手背爲弓箭手并州明鎬沮議而止

明武宗正德十三年秋八月乙酉如大同九月庚子次偏頭關癸丑勅曰總督軍務威武大將軍朱壽親統六師肅清邊境特加封鎮國公歲支祿米五千石吏部如勅奉行冬十月戊辰渡河己卯次榆林

紀事本末云十三年九月幸大同時乘一馬侍從鹵簿皆不及由郡境歷老營堡至偏頭關輕騎戎衣顧關而笑曰此是偏頭關耶是月二十四日爲帝萬歲

節從臣皆賀明日雨雪駐驛十月初四日幸樓子營已漏下二刻旌旂夾道燈火燭空山川震動明晨從娘娘灘太子灘抵灰溝營始進午膳因幸唐家會祭河神詔善没者觀之民李應祥應詔連浮二次上喜賜酒遂登舟擊楫中流抵西岸幸榆林以西北風惡回駕時秦晉兩藩咸集車騎雲屯聲震山谷
明穆宗隆慶四年總督尚書王崇古始上疏請予俺答封貢條八事以請疏下廷議帝終從崇古言五年春三月己丑詔封俺答爲順義王賜紅蟒衣一襲毘

都力 黃台吉等以下各受都督指揮千百戶等有差遂詔山西開馬市於水泉營紅門口邊外秋市成凡得馬五百餘匹賜俺答等綵幣有差俺答老佞佛常遠處青山二子曰賔兔居松山直蘭州之北曰丙兔居西海直河州之西益求互市多桀驚俺答諭之亦漸馴自是約束諸部無入犯歲來貢市西塞以寧

水泉營市場岢嵐道所隸有宴敵所互市於此設宴邊外有閘三日中左右馬從三閘入市場臨邊有閘

一日內閘馬從此登數入境紅門有臺周長一十三丈臺上有納欵廳敵來于此撫賞節年議准以客兵貯積銀一萬兩爲宴饋之費銀恐不足補給馬價銀一萬兩撫賞窮夷馬每年以六千爲率價每匹以十二兩爲率互市之日岢嵐道提調雁門寧武兩道協理之總兵副將統兵彈壓其境西路叅將聽理市事分正兵營軍馬二千一駐老營一駐八柳樹馬站遊兵營軍移駐滑石澗小營兒獅子坪叅將軍移駐馬站堡以備各路要衝仍行各城軍官操防慎固兼候

征調互市畢軍門會題給賞有差

羅點聞見錄汾陽有天池在燕京山上周迴八里後魏孝文帝以金珠穿魚七頭於池放之後於桑乾源得七魚猶爲不信又以金縷拖羊箭射着此大魚久之又於桑乾河得所射箭山在嵐州靜樂縣東北百四十里俗名天池曰祁連池土人名天池躍鱗池西有老馬溝隋開皇間建祠池上祈禱多應

齊顯祖文皇帝高洋天保六年六月如晉陽親討茹茹甲戌諸軍大會於祁連池乙亥出塞七月壬午及

寧武府志

卷十一

餘錄

六

於懷朔鎮大破之九年六月乙丑自晉陽北巡己巳至祁連池戊寅還晉陽後主高緯武平七年七月丁丑幸晉陽十月丙辰大狩於祁連池天保末顏之推從至天池以爲中書舍人令中書郎段孝信將敕書出示之之推方於營外飲酒孝信還以狀言顯祖乃曰且停由是遂寢

唐置天池監楊光遠在代北嘗以紙錢祭天池投之輒沒

宋慶歷中遼求天池廟地 東 龐籍不能決以

汾州都監郭達達訪得太平興國中故牘證爲王土
檄報之遼人愧服

兩鎮三關志陳家谷狼牙村俱在今朔州南托羅臺
在寧武關東橐蓮臺亦作托蓮臺今陽方口河西高
山謂之橐蓮臺朔州志稱爲王侁望楊業軍處崢縣
志但志臺名不言王侁望軍事宋史楊業傳爲代州
刺史會契丹入雁門業領兵自西陁出由小陁至雁
門北口南向背擊之契丹大敗雍熙三年楊業副潘
美連拔雲應寰朔四州會曹彬等不利詔諸路班師

美等歸代州未幾詔遷四州之民內地令美等部兵
護之時契丹衆十餘萬復陷寰州業謂潘美等曰朝
廷止令取四州之民但令兵出大石路先遣告雲朔
守將俟軍離代州日令雲州之衆先出我師次應州
契丹必來拒卽令朔州民出城直入碣石谷遣強弩
千人列於谷口以騎士援於中路則三州之衆保萬
全矣王侁不可令但趨雁門北川口鼓行而往業不
得已將行因指陳家谷口曰諸君於此張步兵強弩
爲左右翼以援俟業轉戰至此卽以步兵夾擊救之

美卽與旆陣於谷口自寅至巳旆使人登托羅臺望
之不見一人以爲契丹敗走欲爭其功卽領兵離谷
口美不能制乃緣交河西南行二十里俄聞業敗卽
麾兵却走業力戰自午至暮至谷口望見無人拊膺
犬痛再率麾下力戰身被數十創士卒殆盡馬重傷
不能進遂被契丹所擒不食三日死遼史業引兵南
出朔州三十里至狼牙村惡其名不進左右固請乃
行遇耶律斜軫大敗馬重傷不能進匿深林中耶律
奚低望見袍影射之墮馬被擒聖宗紀統和四年三
月辛巳順義軍節度使趙希贊以朔州叛附於宋時
上與皇太后駐兵馳羅口詔趣東征兵馬以爲應援
又稱太后與上自托羅口入南禦宋師敗之

魏志云朔州志石碣谷在朔州南五十里禪房山
禪房山今在寧武北二十五里陽方口對岸也狼
牙村陳家谷皆不知所在但朔州西南今尚有狼
兒村未知是否楊業前勝契丹出西陁蓋卽後言
欲避敵鋒之大石路代州志勾注山一名西陁上
爲太和嶺後爲白草坪卽廣武舊站通雲中去廣

武二十里但王侁傲楊業出雁門北川業指陳家谷口欲其接應必在雁門北川附近去禪房山尚遠恐非今陽方口外之橐蓮臺可望陽方口東北去朔州將六十里遼史稱業兵南出朔州三十里意楊業兵從代往朔非出雁門亦出白草坪或出小蓮花神樹梁最西亦必出盤道梁而後直達大川自在朔州正南必不至陽方口之西南也王侁登橐蓮臺望以爲契丹敗走欲爭其功故緣交河西南行二十里或卽從今朔州馬邑恢河桑乾交

會之處往赴朔州故云西南行若登陽方口之橐蓮臺望是向東北行矣王侁既不從楊業之計必又不聽其舍代州紆道寧武或由盤道梁等處始赴朔州卽業計亦不肯出此業先言出大石路次應州者乃知契丹已破寰州反由間道東向使契丹解寰州之兵東追此中乘机應寰朔三州之民已入碣石谷矣業於應州嚴陳以待而雲州之兵已到合力敵契丹之兵四州之民便已南遷勁兵斷後又有伏兵相接計出萬全王侁等既不從其

謀業卽毅然出師揆時度勢必無反山寧武附
之事則陽方口河西之橐蓮臺是否王侁望兵處
似應闕疑至遼主與太后駐兵馳邏口趣東征兵
處未知何在其所謂橐蓮臺者或卽托邏口上之
山未可知也

明嘉靖三十四年御史陳豪上言山西諸鎮卒皆爲
寇媒多囊錐刀賂求不殺彼此譯語互爲和同待其
深入然後舉烽發礮蓋不止一日一處爲然且觀比
來之寇類多我民亡命爲彼嚮導故連歲非時猝至

寧武府志

卷十一

餘錄

十

如道故途唯期於必戰盡復套地乃爲全策

總督侍郎翁萬達邊關圖說云謹按所圖形勢起宣
府東路之四海冶迤邐而西歷北中二路抵西路之
西陽河爲大同界東路之東陽河迤邐而西歷北中
二路抵西路之丫角山爲山西界山西之老營堡迤
邐而西歷水泉偏頭抵保德州爲黃河岸界而止計
一千九百二十里有奇皆逼臨敵巢所謂外險也又
老營堡轉南迤邐而東歷寧武雁門抵平刑關又
南而東爲保定界歷龍泉倒馬紫荊之吳王

插箭嶺浮圖峪沿河口又東北爲順天界歷高崖白羊抵居庸而止計二千五百里有奇皆峻山層崗所謂內險也兩險截然天限中外然自正統以來敵人窺兵屢恣干擾邇且結陣長驅遠薄汾沁豈其險固不足恃耶潰廢大防由來者漸有險不設同於無險因地形而經紀之內倚諸關間增崇垣外築崇垣長遮絕漠比之金湯邊臣自是始可言守又外邊長圖說云謹按所圖外邊詳矣而畧於內諸關者以外邊特重又墻方肇完而諸關不與也三鎮邊墻亘連一

道內布者城堡外環者塹窖亭然者墩巍附穴通者臺隧增舊爲新缺一不可必如此而後可守

三關中路圖說云明自失東勝漸與敵隣正統己巳以後時被侵掠因置官設戍犁然具備嘉靖二十一年設總兵三十九年設兵備道同駐劄於此所屬守備五州縣三所三本路與雁門岢嵐鼎峙爲三道先年議守者莫不謂岢嵐僅隔敵一墻一河當急此中有大同爲外蔽似稍緩不知全晉以大同爲籬籬以三關爲門戶而寧武爲中路尤三關之砥柱也籬籬

不固則堂奧不安砥柱失守則門戶不固故嘉靖中大同失守敵知寧武兵單由此入犯太原忻代等處無寧歲當事因議增大同兵馬每歲防秋時巡撫駐寧武後復置大將屯重兵居中策應誠謂守大同者守三晉守寧武者守三關也險隘如盤道之雕窩梁燕兒水臥羊坡寧武之陽方朔寧王野梁神池之圪堵確石板溝靳家窰利民之得勝口牛肋义灣勒馬溝八角之長林乾柴野猪溝等處極稱衝要而陽方直通朔州大川尤爲喫緊故都御史陳講疏云東有

雁門勾注之險西有老營偏頭之塞陘峽山谷限隔黃河敵人不便大舉獨寧武之陽方口東西長百八十里平行夷漫卽擁十萬衆可成列以進此口實敵人必爭之地三關首犯之衝不止一隅已也敵由泉紅門入則八角急寧化靜樂等處危援兵宜伏於八柳樹大井溝迎擊之而以老營兵襲其後馬站兵攻其旁由長林野猪溝入則利民急神池等處危援兵宜伏於蔣家峪勒馬構迎擊之而以老營兵襲其後神池兵攻其旁由莪麥川得勝 入則神池急

武等處危標兵宜伏於圪堵確大水口迎擊之而以
援兵襲其後正兵攻其旁由朔州川陽方口入則盤
道朔寧急忻崞等處危標兵宜伏於王野梁臥羊坡
迎擊之而以正兵襲其後援兵攻其旁仍於山巔多
張烽火旗幟以疑其心隘口設陷坑拒馬以扼其路
俾彼入於九敗九陷之地大抵敵騎利平原廣野不
利險阻山林本路重崗峻嶺所在天塹彼馬豈易馳
驅若不能出奇制勝俾彼東越盤道西過支鍋之口
則太原等處將被蹂躪矣彼大舉深入山西必由陽
寧武府志

卷十一

餘錄

十三

方口故有警大將軍宜提正兵駐此連合援兵張兩
翼以待之東護雁門西策偏老則必可破之故曰守
大同者守山西也守中路者守兩關也守陽方口者
守全路也

三關西路圖說云偏關故無塞也扼偏關塞自失東
勝始蓋偏關去東勝三百餘里登陴眺焉則三受降
城其墟可指永樂間始棄東勝特重偏關故建大將
於此其後雲中弛防朔南頻擾陽方失守太原告警
於是移總兵於寧武居適中之地然偏關門戶而

也堂奧有警而以門戶之守守之 自撤其
陳而授敵以鑰矣

鎮三關志云明初偏頭設鎮將寧雁不能班也及
寧鴈設關則但置所亦未與偏頭同以偏頭爲邊鎮
例之宣大以 雁爲腹裏例之倒馬紫荆迨山西以
西爲心而不以夷夏大防爲心於是始視三關爲
一而以寧武爲適中地矣夫寧雁之外爲大同偏關
之外爲東勝東勝不守是大同之重兵視三關爲一
也而乃以寧雁爲適中可乎卽今事併守矣合併守

寧武府志

卷十一

餘錄

十四

以爲中亦應在丫角之間而寧武則已南矣

楊博三關兵將疏山西三關先年以有東勝大同爲
之屏蔽邊患絕少自己已之變東勝失守漸肆窺伺
然猶恃有大同未敢深入今三關之警大異往昔正
德十二年則直至陽曲灣今 則直至交城圪塔頭
若更長驅而入雖平陽潞安俱爲蹂踐之地矣今都
御史陳講御史連鑛覆勘 奏臣等議得神池堡與
老營堡委係必爭之地而八角堡介於其間尤爲適
中雁門守備當十八隘口之險而北樓口委爲空濶

據各官要於神池老營堡各添設叅將北樓口添置把總八角堡改置游擊畫地分守勢成鼎足據險扼塞誠爲長便又要將神池守備改置利民堡三岔八角俱爲裁革水泉等處設置把總管領屯種要皆劑量斟酌無不曲當但副總兵旣與巡撫都御史協同行事威權已重欲加都督職銜似難輕議今俟命下施行巡撫都御史每年秋近仍駐劄寧武八角以上仍轄雁門兵備五寨以下仍轄岢嵐兵備庶聲勢聯絡緩急有濟又照東長峪地方係大同三關兩鎮寧武府志

卷十一

餘錄

十五

接境之地極爲緊要其連城設兵於兩鎮旣稱有益亦當及早整理方逢時邊關機宜疏三關俱通寇要區東路自盤道梁夾柳樹燕兒水鷗窩梁等堡進直犯代州太原等處西路自滑石澗黃龍池寺塢堡水泉營等堡進直犯鎮西興嵐等處中路陽方口王野梁失守少費迂迴可達東路矣苻麥川野猪溝失守少費迂迴可達西路矣此邊形之大較也東中二路外有馬邑朔州烽火相接 騎遽難潛入大舉 數年 至西

長二百餘里東自水黃墩起西至丫魚山止
里尚在朔州川之內自丫角山起至老牛灣止一百
餘里逼 沙漠大舉憑陵易逞零騎出沒無常御史
賀一桂移鎮之說有見於此計寧武偏關一百八十
里正兵營軍馬在三路土著有年勢難他徙其叅遊
軍馬果數足勢強大舉雖未能遏絕零騎必可拒堵
此移鎮之便也查兩營軍少一千三百三十四名馬
少三千四百四十二匹而 移之是總兵亦叅將等
也寇豈憚一總兵官名乎况偏關抵崞縣原平驛二
寧武府志

卷十一

餘錄

十六

百餘里東路報警策應恐難猝至此移鎮之未便也
先年俺答乘虛謀陷老營總兵郭琥早得其情由寧
武日暮提兵四鼓卽抵其地而堡賴以全是不移與
移鎮同也今該鎮旣稱軍馬寡弱東路寫遠合無依
其仍駐寧武遇三路但有聲息星馳調度隨賊堵截
明時三關 塹之制多設于近垣以備侵軼穿地橫
垣曰塹間穿間否形如品字曰窖蓋城堡所以能禦
患者以有窖塹爲恃也然論者謂中國設險有三垣
垣最可恃窖吹之塹又次之 因高遠眺敵無

乘險下拒己易爲力塹則沿守者無所依蔽者不獲遠施計一虜挾一束芻萬虜頃刻之際可數丈也若窖有隆伏平之反難

陽武峪在寧武東南八十里屬崞地有楊六郎寨秦太子扶蘇常於此故有太子君宋太宗時都巡檢使楊延昭驍勇善戰守陽武峪契丹畏之不敢犯延昭楊業之子也延昭有部將孟良焦贊同守今元崗口有孟良城遺趾尚存其南十里有焦贊寨明時寧武所本屬崞縣故陽武峪置戍卒亦統於寧武

寧武府志

卷十一

餘錄

十七

守備今峪口數里地名上陽武勢尤險阨寧武被圍時總兵周遇吉遣其某詣陽和吳軍門求救未至而城陷吳入國朝仍爲總制有旨及遇吉之後吳具以其侄對補神池守備令就近守其墳墓春秋每祭必來陪祀常以順治初守備舊劄示知府魏公爲其故如此

武令施作楫云周公殉節日期郎瀚所作事寔

崇十六年二月辛巳考明紀類編十七年李

由大同入京

不月

歲次甲申卽 國朝順治元年則所開年分
周公墓表大書係崇 十七年二月辛巳查萬年歷
乃二月二十二日也卽殮葬日月亦甚分明足以徵
信且訪之遺老數十年前每二月二十二日士民在
祠內致祭後改于九月者因公與劉夫人誕辰在九
月二十日及二十二日也

太原府志載二月十五日賊發太原數日抵寧武
則施作楫二十二日之言不謬矣計其時遇吉守
寧武至城破僅四日耳

王允懋者霸州人以進士仕明爲寧武道當賊將至
周總兵欲出戰允懋不從使同知吳某以土實城門
比賊破城王亦自殺其妻楊亦投井死而吳亦見殺
於賊太原續志以允懋列於節義或過其實然或以
允懋欲貳于賊而不與周總兵同心戰守致於城破
則又加誣恐允懋不能服也

賊初破寧武亦不甚殺戮旋引兵而東明日賊別部
在城中者忽樹藍旗遂肆戕虐被禍者數千人其
總兵尤世祿所爲也主瑋作節錄補 謂賊恨其

不下屠殺一盡血流成波亦失其實蓋但得諸傳聞耳
五寨縣有東西紫寨村稱紫寨長城山上有築鑿處人莫知其自岢嵐州志云州北一里許俗呼其地爲長城梁傳是秦蒙恬築一云趙武靈王築明嘉靖間有村名中圈窳者與長城梁近掘地得石刻其文曰隋開皇元年贊皇縣丁夫築以此按之則五寨長城舊趾當亦隨時所築也

寧武之寧化有臺駘墓有蒯通墓五寨有開平王常遇春墓蓋並古墓之失其人不知爲誰氏而里俗因謬相指目者夫臺駘宣汾洮初不在此卽臺駘塚廟見于太原西河亦不一矣若常開平北征還卒于柳河川乃屬此地乎至蒯通已不足信而太原府志亦載之且爲更名曰蒯文通是尤可笑耳意所謂蒯通常遇春者大抵唐末及五代金元時人所葬然皆無可考今蒯墓石羊虎猶存

明萬 中都御史呂坤請令沿邊諸山谷並栽植樹木仍禁斬伐以禦敵騎之人今郡人尚有稱山中官

樹者黃花嶺亦有數十株意其昔時所遺也

明時土堡之制相度地宜依山據險而爲之堡中各積器械矢石官有廨宇士有營舍倉廩草場咸備然邊方鄉落民堡尤多每虜入守空陴坐視恒遭殺戮萬 中總督翁萬達令廢民堡之孤懸寡弱者而編其人于附近大堡每堡擇有才力者爲之長每五十名爲一隊每隊奇正各半隊長二人一統其正一統其奇居常則人守一陴奇正相間一方有急則三方應援奇者赴之正者攝守又多造火器分給各堡

初虜之攻堡也聲喝諸處而掩其一隅誘之策應而乘其不備鄉民往往擾亂以墮其計至是奇正相叅一調一守規畫始密矣

偏關西北二十里山畔有巨石上留足跡一世傳昭君常經此足跡其所履處也遂名其地爲昭君塢神池有姜女石在縣西三里海子梁方石一片大可盈畝中有石窟傍有女子足痕相傳秦時孟姜女尋夫至此夏日坐哭其上窟中出泉名姜女井

今山海關有姜女祠此復有足跡大抵皆齊東野

語耳彼亦未知所謂姜女者之果有是人否也
五寨西北四十里有遮魯城趾一名武王城或云唐
末李克用兵駐此扼李鈞矣

祁連池昔稱有靈異北魏時秀容第一領人酋長爾
朱新興常與其子爾朱榮游於池上忽聞簫鼓之音
新興語榮曰古老相傳聞此聲者皆至公輔吾今已
衰晚當爲汝耳汝其勉之

黃河唐家會渡在 關西南九十里明正德十年武
宗幸榆林由此渡河明時每冬必遣士卒鑿冰以防

寧武府志

卷十一

餘錄

二十一

套虜

金時有蕭融者爲武州刺史常于東靈山建立亭臺
今五寨諸山無名東靈者其亭館遺踪更杳莫問矣
寧武樓子山上爲支鍋石山山上巨石一下小石四
爲其足人來遊者以一手撼之則巨石輒動試以數
十人搖之轉不可動父老傳言是臺駘宣汾洮之遺
跡也

偏關城東九龍峯之南一峯別起形家指爲文筆明
天啓間兵使者耿好仁建塔以增其概高十三級鈴

之聲聞數十里石額題文筆凌 四字邑人前後
登科者相率效唐慈恩故事題名於上

神池西北四十里山間有洞勢若夫啓戶闢山腰莫
能攀躋洞口懸轆轤一可挽以 不知何時所製入
洞中平坦深廣可坐萬人牀几枰竈宛然具在

五寨東南山行數里入空谷中杏花萬樹瀾漫橫斜
隨山形地勢照耀蒸發殊爲異觀

世傳蘆芽山爲毘盧佛道場清漣水出山下水側有
佛足跡肉紋宛具云昔佛住世時曾浴此水矣

寧武府志

卷十一

餘錄

二十二

鐵駝塢偏關地也塢中藏鐵形如臥虎或刻誌其傍
禁人妄掘里俗相傳鐵駝頭出并州太原府鑛鐵樓
下其尾在此而偏關南寺街民家屋內有鐵尖出地
上如尾然雖覆土數尺終莫能掩竟不知其所以然
魏志云山西通志稱隋汾陽宮城六里四十一步寧
化志稱舊城六里二百九十七步煬帝侈靡無度好
大喜夸因起宮而設郡郡兼三縣之地宮名汾陽當
在靜樂界內故隋唐地志靜樂下有汾陽宮有關官
有管涔山天池汾水是今郡城以南皆靜樂地不但

寧化也但寧化之地逼隘阻深似未可起離宮
業拾遺記勅于汾陽北四十里臨汾水起宮似在今
寧化以南寧化南至橫水鎮四十里汾水至此始大
而地勢亦稍寬濶安知煬帝建宮不卽此地乎

又云按寧化舊城七里必宋時之重鎮設官屯軍爲
多明時無用故唐勝宗裁其三分之一別築新城也
又云寧化自北魏周隋皆爲重地至宋與遼界金元
迨明漸以無事然皆南屬靜樂自明嘉靖十九年始
屬寧武舉古時之嵐谷天池元池各縣地及蘆芽管
寧武府志

卷十一

餘錄

二十三

汾林溪汾水諸勝皆歸寧武矣

五寨人張自成其父訓爲賈入蜀會吳三桂反訓不
得歸竟客死焉後數年三桂平自成尚未知父死往
尋之至寧羌州始聞已卒然不能持喪歸遂葬其地
地名經畧壩蓋山谷中也一夕石穴忽自合若鬼物
助成之者自成衣資爲亂兵所掠留落子然不得已
竄身軍伍中然少有勇力敢戰聞後起行陣間累功
授官至重慶總兵

人 尚武故往往以武仕顯若程堂郝鍾賢

熙中並以守備得蟒衣弓箭之賜尤爲異數

劉詔者偏關老營人遠祖在明初官照武將軍世襲指揮使父光裕當明末失職詔方幼卽教以騎射不令讀書詔年二十有相工謂曰子狀貌不凡當爲將帥雖功名晚就而利在南方詔乃辭其父母去遊江淮間會康熙初征閩詔遂從軍積闕閱至左都督廣東總兵官相者之言驗矣詔以功准四世襲應雲騎尉

樊永底偏關人康熙中爲廣東澄海令以道遠家人不能俱行久之永底方買妾妾至見其容止有異因問所由來妾初不言已而涕泣且告以父官副總兵被劾在繫而逋軍儲無償遂賣已也永底聞之驚惻卽日送妾還其家且不責其價人皆傳稱之

偏關西六十里黃河中有石島高十丈餘其上土田五頃可耕有娘娘廟遺址土人相傳云昔漢高祖常惡薄姬而貶焉使潛居于此今呼其處爲娘娘灘黃河東西津渡口也

娘娘灘東二里許爲太子灘渡太子者俗謂漢文帝

爲太子時常居此洲時往朝簿后今洲中有花紋水一道而其灘淺可徒涉

水經注天池方里餘池中常無斥草及其風澤有輒有翠色小鳥投淵 出魏志引新訂水經常無斥草作片草風澤有淪作風籜籜字於義爲長若片草則當以斥草爲善蓋池本龍湫有神居之不受物穢故風籜飄淪池上卽有小鳥爲之銜出而人知池之神靈亦不敢以草木投棄其中故曰常無斥草矣道元可爲工于下語者韓吏部南山詩林柯有脫葉欲

墮鳥驚救正用其意若作片草便索然少味耳

山西西路管糧太原府同知張爲公舉義士以備表揚事蒙提學道孫批據前任吳同知呈蒙本道批據偏關所闔學生員賀萬壽等呈稱有本所故明廩生賈三光金玉爲質松栢其操遇事敢言皆地方利害之大逢險不避有豪俠慷慨之名因而遭讒幾於不免青雲路絕雖失望於九霄白雪才高尚馳聲於四國山人自樂到處爲家方闖賊攻我寧關適周鎮迎爲山客該鎮亦諒其有家遣役護送贈百金備物之

多本生引爲王臣郤金不納誓九死不移之志及其勢蹙愈見情真周鎮托以後事使賊無汙其家故得一心血戰而死本生能終其前言用火盡焚其室亦赴烈焰骨燼而亡一則有古將斷脰之風可以死而死一則有聖門結纓之志可無死而亦死又有中營游擊王前士生懷忠藎遵義訓於家庭死効堅貞杼壯烈於國士旣隨周鎮而赴難敢分武弁而不揚經該學掌印訓導張五典覆查賈三光素行耿烈蓋世奇行周總鎮聞賊入境差官敦請保其家屬百十餘

口不受賊辱身同赴焰游擊王前士挺身抗賊至死罵不絕口此二人者一爲義士一爲忠臣不讓古人均應表揚以勵風教

五色石斑斕可玩出蘆芽山魏時亮節財疏時有言山西出五色石者明成祖曰兵革災荒小民困苦今何可更以此困苦之官府求一物卽百姓受一害矣正月元旦迎春之禮 爛清靜存乎長官之好尚而土俗相沿皆云此禮熟 則年穀順成往往試之而有驗禮從其俗可也

五日民間童女剪紙爲婦人高五六寸許飾以彩色清辰掃穢土於箕置紙婦其上棄之門外通衢名曰送窮行路者拾歸置牛牢馬廐問供奉曰送窮媳婦去取富媳婦歸

二十日名小填倉二十五日名大填倉是日煮窩煎餅點燈於倉廩名爲填倉用炭灰布地作大圈名爲挖窖於二十五日祀龍神謂爲龍誕日

二月二日相傳龍擡頭日童稚剃髮清辰自外汲水由大門引灑而進以餘水傾甕內名引龍

寧武府志

卷十一

餘錄

二十七

偏關六月六日祀崔府君一時男婦羣遊白龍洞名爲踏青

七月十五日爲中元節拜掃祖塋如清明而加盛家鍵戶而出者強半婦女往往靚妝豔飾祭畢各擇山巔水湄綠陰芳逕男女序坐歡讌相望日入而歸行歌互答貧而無力及墓遠而不能至者或焚楮門外及大路之傍是日也戚里競作麵蒸美人以爲兒童之翫間以相餉名暮和樂

十月一日民間呼爲歲臘又號鬼節剪紙爲衣同楮

錢焚墓上天氣已寒惟男子往而婦女不出矣
十二月初八日合雜米豆爲粥間和棗栗諸果寧郡
無異俗也家家鑿冰柱當門而立曰門冰衙外自有
供之者

寧武之俗無論男婦於交運之日竟日閉戶不出禁
止往來卽雞豕猫犬亦皆驅逐不令入戶云是 忌
行冲求吉利

郡中多羊甲于他處居民無分貧富皆衣裘而最貧
者雖暑月亦著之幾如蒙古之俗矣或取其毛製爲

寧武府志

卷十一

餘錄

二十八

袋囊以運米粟久而難敝

土鼠生地穴中清明前穿地食草根人掘土獲之肉
頗肥美俗名之爲瞎老或持以餽人

郡中亦有牡丹然皆單瓣唯紅色一種其芍藥則豐
艷碩麗不減京師至五月乃放

或言金蓮花產五臺此地亦有之然非佳卉初不足
觀也

筆頭菜生山谷間苗可食味苦性涼煮之爲菹形似
筆頭故俗以爲名

曰浦 四五月作花

時 子殷紅珠 土人云採之 麥爲餅可食又有 佳佳 八九月吐英如小雀然

西山多杆樹秋時 紅可 人取其村頗堅中器字書云杆同 卽 樹也古賦君 子本果實可食今杆樹無子且狀亦 恐字書之言非也

中用 以古 三五多唐至元時者而開元乾元 壅正爲尤衆蓋錢

文旣貴外來 少不得不雜而用之間其俗云行

寧武府志

卷十一

餘錄

二十九

之已甚久市易 稅 若是 勿爲怪或言邊地乏錢固然要亦其民猶近 耳

郡地至寒而神池之利民尤甚偏關 突出絕塞然利民尚稍和蓋土壤相接而氣候特殊有不可者土人云神池每多怪風冬月彌 故 冷於他

方作時 吹牛馬使倒行者或掣之高二三丈當夏月時見雲氣忽起卽爲風信不瞬息已至冬間則飄颻無定或十日夜未少休矣

五六月 朝暮往往如江南 雨時雖

北邊而轉多蒸濕或云唯城郭爲然鄉落則否以郡城環山而地逼故也

寧武府志

卷十一

餘錄

三十